

有異當知是人即是如來得佛不久時諸大衆聞說是經十億人得三空忍百萬億人得大空忍十地性大王此經名爲仁王問般若波羅蜜經汝等受持般若波羅蜜經是經復有無量功德名爲護國土功德亦名一切國王法藥服用無不大用護舍宅功德亦護一切衆生身即此般若波羅蜜是護國土如城塹牆壁刀劍鋒鋩汝應受持般若波羅蜜亦復如是

佛五峯鄒穎謹書

仁王般若波羅蜜經卷上

金然上七廉  
反咸也

摩訶衍

下音演此  
云大乘

翔十

大王國土亂時先鬼神亂鬼神亂故万民亂賊來劫國百姓亡喪臣君太子王子百官共生是非天地恠異二十八宿星道日月失時失度多有賊起大王若火難水難風難一切諸難亦應講此經法用如上說大王不但護國亦有護福求富貴官位七寶如意行來求

仁王護國般若波羅蜜經卷下

譯 翔

護國品第五

余時佛告大王汝等善聽吾今正說護國上法用汝當受持般若波羅蜜當國土欲亂破壞劫燒賊來破國時當請百佛像百菩薩像

男女求慧解名聞求六天果報人中九品果報亦講此經法用如上說大王不但護福亦護衆難若疾病苦難杻械枷鎖檢繫其身破四重罪作五逆因作八難罪行六道事一切無量苦難亦講此經法用如上說大王昔日有王釋提桓因爲頂生王來上天欲滅其國

姚秦三藏鳩摩羅什  
唐人李奇刊

時帝釋天王即如七佛法用敷百高座請百  
法師講般若波羅蜜頂生即退如滅罪經中  
說大王昔有天羅國王有一太子欲登王位  
一名班足太子爲外道羅陀師受教應取千  
王頭以祭家神自登其位已得九百九十九  
王少一王即北行万里即得一王名普明王

其普明王白班足王言願聽一日飯食沙門  
頂禮三寶其班足王許之一日時普明王即  
依過去七佛法請百法師敷百高座一日二  
時講般若波羅蜜八千億偈竟其第一法師  
爲王即說偈言

劫燒終訖 乾坤洞然 濁流巨海 都爲灰颶  
天龍福盡 於中凋喪 二儀尚殞 國有何常  
生老病死 輪轉無際 事與願違 憂悲爲害  
欲深禍重 瘟疾無外 三界皆苦 國有何賴  
有本自無 因緣成諸 盛者必衰 實者必虛  
衆生蠢蠢 都如幻若 聲響俱空 國土亦如  
識神無形 假成四她 無明保養 以爲樂車

用

卷下

二

奇

形無常主 神無常家 形神尚離 岂有國耶  
爾時法師說此偈已時普明王眷屬得法眼  
空王自證得虛空等定聞法悟解還至天羅  
國班足王所衆中即告九百九十九王言就  
命時到人人皆應誦過去七佛仁王問般若  
波羅蜜經中偈句時班足王問諸王言皆誦

何法普明王即以上偈答王王聞是法得空  
三昧九百九十九王亦聞法已皆證二空門  
定時班足王極大歡喜告諸王言我爲外道  
邪師所誤非君等過汝可還本國各各請法  
師講般若波羅蜜名味句時班足王以國付  
弟出家爲道證無生法忍如十王經中說五  
千國王常誦是經現世生報大王十六大國  
王修護國之法應亦如是汝當受持天上人  
中六道衆生皆應受持七佛名味句未來世  
中有無量小國王欲護國土亦復爾者應請  
法師說般若波羅蜜爾時釋迦牟尼佛說般  
若波羅蜜時衆中五百億人得入初地復有

六欲諸天子八十萬人得性空地復有十八  
梵得無生忍得無生法樂忍復有先已學菩  
薩者證一地二地三地乃至十地復有八部  
阿須輪王得十三昧門得三三昧門得轉鬼  
身天上正受在此會者皆得自性信乃至無  
量空信吾今畧說天等功德不可具盡

用仁王三

## 仁王般若波羅蜜經散華品第六

尔時十六大國王聞佛說十万億偈般若波  
羅蜜勸喜無量即散百萬億行花於虛空中  
變為一座十方諸佛共坐一座說般若波羅  
蜜無量大眾共坐一座持金羅花散釋迦牟  
尼佛上成万輪華蓋蓋大眾上復散八萬四  
千般若波羅蜜花於虛空中變成白雲臺臺  
中光明王佛共無量大眾說般若波羅蜜臺  
中大眾持雷吼花散釋迦牟尼佛及諸大眾  
復散妙覺華於虛空中變作金剛城城中師  
子吼王佛共十方佛大菩薩論第一義諦時  
城中菩薩持光明花散釋迦牟尼佛上成一

花臺臺中十方佛及諸天人散天花於釋迦  
牟尼佛上虛空中成紫雲蓋覆三千大千世  
界蓋中天人散恒河沙花如雲而下時諸國  
王散花供養已願過去佛現在佛未來佛常  
說般若波羅蜜願一切受持者比丘比丘尼  
信男信女所求如意常行般若波羅蜜佛告  
大王如是如是如王所說般若波羅蜜應說  
應受是諸佛母諸菩薩母神通生處時佛為  
王現五不思議神變一花入無量花無量花  
入一花一佛土入無量佛土無量佛土入一  
佛土無量佛土入一毛孔土一毛孔土入無  
量毛孔土無量須弥無量大海入芥子中一  
佛身入無量衆生身無量衆生身入一佛身  
入六道身入地水火風身佛身不可思議衆  
生身不可思議世界不可思議佛現神足時  
十方諸天人得佛華三昧十恒河沙菩薩現  
身成佛三恒河沙八部王成菩薩道十千女  
人現身得神通三昧善男子是般若波羅蜜

有三世利益過去已說現在今說未來當說  
諦聽諦聽善思念之如法修行

仁王般若波羅蜜經受持品第七

余時月光王心念口言見釋迦牟尼佛現無量神力亦見千花臺上寶滿佛是一切佛化身主復見千花葉世界上佛其中諸佛各各

隨

七三下

四

本

說般若波羅密白佛言如是無量般若波羅密不可說不可解不可以識識云何諸善男子於此經中明了覺解如法為一切衆生開空法道大牟尼言有修行十三觀門諸善男子為大法王從習忍至金剛頂皆為法師依持建立汝等大衆應如佛供養而供養之應持百萬億天花天香而以奉上善男子其法師者是習種性菩薩若在家婆蹉優婆蹉若出家比丘比丘尼修行十信自觀己身地水火風空識分分不淨復觀十四根所謂五情五受男女意命等根有無量罪過故即發無上菩提心常修三界一切念念皆不淨故得

不淨忍觀門住在佛家修六和敬所謂三業同戒同見同學行八万四千波羅蜜道善男子習忍以前行十善菩薩有退有進辟如輕毛隨風東西是諸菩薩亦復如是雖以十千劫行十正道發三菩提心乃當入習忍位亦常學三伏忍法而不可字名是不定人是定人者入生空位聖人性故必不起五逆六重二十八輕佛法經書作反逆罪言非佛說無有是處能以一阿僧祇劫修伏道忍行始得入僧伽陀位復次性種性行十惠觀滅十顛倒及我人知見分分假偽但有名但有受但有法不可得無定相無自他相故修護空觀亦常行百万波羅蜜念念不去心以二阿僧祇劫行十正道法住波羅陀位復次道種性住堅忍中觀一切法無生無住無滅所謂五受三界二諦無自他相如實性不可得故而常入第十第一義諦心心寂滅而受生三界何以故業習累報未壞盡故順道生復以三

阿僧祇劫修八萬億波羅蜜當得平等聖人  
地故住阿毗跋致正位復次善覺摩訶薩住  
平等忍修行四攝念念不去心入無相捨滅  
三界貪煩惱於第一義諦而不二爲法性無  
爲緣埋而滅一切相故爲智緣滅無相無爲  
住初忍時未來無量生死不由智緣而滅故  
非智緣滅無相無爲無自他相無無相故  
無量方便皆現前觀實相方便者於第一義  
諦不沉不出不轉不顛倒遍學方便者非證  
非不證而一切學迴向方便者非住果非不  
果住而向薩婆若魔自在方便者於非道而  
行佛道四魔所不動一乘方便者於不二相

通達衆生一切行故變化方便者以願力自  
在生一切淨佛國土如是善男子是初覺智  
於有無相而不二是實智照巧用不證不沉  
不出不到是方便觀辭如水之與波一一不  
異乃至一切行波羅蜜禪定陀羅尼不一不  
二故而一一行成就以四阿僧祇劫行行故

入此功德藏門無三界業習生故畢故不造  
新以願力故變化生一切淨上常修捨觀故  
登鳩摩羅伽位以四大寶藏常授與人復次  
德惠菩薩以四無量心滅三有嗔等煩惱住  
中忍中行一切功德故以五阿僧祇劫行大  
慈觀心心常現在前入無相闇陀波羅化一  
切衆生復次明惠道人常以無相忍中行三  
明觀知三世法無來無去無住處心心寂滅  
盡三界癡煩惱得三明一切功德觀故常以  
六阿僧祇劫集無量明波羅蜜故入伽羅陀  
位無相行受持一切法復次余焰聖覺達菩  
薩修行順法忍逆五見流集無量功德住須  
陀洹位常以天眼天耳宿命他心身通於念  
念中滅三界一切見亦以七阿僧祇劫行五  
神通恒河沙波羅蜜常不離心復次勝達菩  
薩於順道忍以四無畏觀那由他諦內道論  
外道論藥方工巧呪術故我是一切智人滅  
三界疑等煩惱故我相已盡知地地有所出

釋

卷下

六

辛

故名出道有所不出故名障道逆三界疑修集無量功德故即入斯阨舍位復集行八阿僧祇劫中行諸阨羅尼門故常行無畏觀不去心復次常現真實住順忍中作中道觀盡三界集因集業一切煩惱故觀非有非無一相無相而無二證阿那含位復作九阿僧祇

劫集照明中道故樂力生一切佛國土復次玄達菩薩十阿僧祇劫中修無生法樂忍滅三界集因業果住後身中無量功德皆成就無生智盡智五分法身皆滿足住十地阿羅漢梵天位常行三空門觀百千万三昧具足弘化法藏復次等覺者住無生忍中觀心心寂滅而無相相無身身無知知而用心乘於群方之方淡泊住於無住之住在有常修空處空常方化雙照一切法故知是處非是處乃至一切智十力觀故而能摩訶羅伽位化一切國土衆生千阿僧祇劫行十力法心心相應常入見佛三昧復次惠光神變者住上上

奇

無生忍滅心心相法眼見一切法三昧色空見以大願力常生一切淨土万阿僧祇劫集無量佛光三昧而能現百万恒河沙諸佛神力住婆伽梵位亦常入佛華三昧復次觀佛菩薩住寂滅忍者從始發心至今經百万阿僧祇劫修百万阿僧祇劫功德故證一切法解脫住金剛臺善男子從習忍至頂三昧皆名爲伏一切煩惱而無相信滅一切煩惱生解脫智照第一義諦不名爲見所謂見者是薩婆若是故我從昔以來常說惟佛所知見覺頂三昧以下至於習忍所不知不見不覺唯佛頓解不名爲信漸漸伏者惠難起滅以能無生無滅此心若滅則累無不滅無生無滅入理盡金剛三昧同真際等法性而未能等無等等辭如有人登大高臺下觀一切無不斯了住理盡三昧亦復如是常修一切行滿功德藏入婆伽度位亦復常住佛惠三昧善男子如是諸菩薩皆能一切十方諸如來國

土中化衆生正說正義受持讀誦解達寶相如我今日等無有異佛告波斯匿王我當滅度後法滅盡時受持般若波羅蜜大作佛事一切國土安立万姓快樂皆由此般若波羅蜜是故付囑諸國王不付囑比丘比丘尼清信男清信女何以故無王力故故不付囑汝當受持讀誦解其義理大王吾今所化百億湏彌百億日月一一湏彌有四天下其南闊浮提有十六大國五百中國十小小國其國土中有七可難一切國王爲是難故講讀般若波羅蜜七難即滅七福即生万姓安樂帝王歡喜云何爲難日月失度時節反逆或赤

日出黑日出二三四五日出或日蝕無光或日輪一重二三四五重輪現當變恠時讀說此經爲一難也二十八宿失度金星彗星輪星鬼星火星水星風星刀星南斗北斗五鎮大星一切國主星三公星百官星如是等星各各變現亦講說此經爲二難也大火燒國

自

卷下

奇

万姓燒盡或鬼火龍火天火山神火人火樹木火賊火如是變恠亦讀說此經爲三難也大水漂沒百姓時節反逆冬雨夏雪冬時雷電霹靂六月雨水霜雹雨赤水黑水青水雨土山石山雨砂礫石江河逆流浮山流石如是變時亦讀說此經爲四難也大風吹殺万姓國土山河樹木一時滅沒非時大風黑風赤風青風天風地風火風如是變時亦讀誦此經爲五難也天地國土亢陽炎火洞然百草亢旱五穀不登土地赫然万姓滅盡如是變時亦讀說此經爲六難也四方賊來侵國內外賊起火賊水賊風賊鬼賊百姓荒亂刀兵劫起如是恠時亦讀誦此經爲七難也大王是般若波羅蜜是諸佛菩薩一切衆生心識之神本也一切國王之父母也亦名神符亦名辟鬼珠亦名如意珠亦名護國珠亦名天地鏡亦名龍寶神王佛告大王應作九色幡長九丈九色花高二丈千支燈高五丈九

玉箱九玉巾亦作七寶案以經置上若王行時常放其前足一百步是經常放千光明令千里內七難不起罪過不生若王住時作七寶帳帳中七寶高座以經卷置上日日供養散花燒香如事父母如事帝釋大王我今五眼明見三世一切國王皆由過去侍五百佛翻  
金下  
得爲帝王主是爲一切聖人羅漢而爲來生彼國作大利益若王福盡時一切聖人皆爲捨去若一切聖人去時七難必起大王若未來世國王受持三寶者我使五大力菩薩往護其國一金剛吼菩薩手持千寶相輪往護彼國二龍王吼菩薩手持金輪燈往護彼國三無畏十力吼菩薩手持金剛杵往護彼國四雷電吼菩薩手持千寶羅網往護彼國五無量力吼菩薩手持五十劔輪往護彼國五大士五千大神王於汝國中大作利益當立像形而供養之大王吾今三寶付囑汝等一切諸王憍薩羅國毗舍離國舍衛國摩竭提

國波羅奈國迦夷羅衛國鳩尸那國鳩睂弥國鳩留國羈賓國伽羅乾國乾陀衛國沙陀國僧伽陀國捷擊搖闍國波提國如是一切國受持般若波羅蜜時諸大衆阿湏輪王聞佛說未來世七可畏身毛爲豎呼聲大叫而言願不生彼國時十六大國王即以國事付弟出家修道觀四大四色勝出相四大四色不用識空入行相三十忍初地相第一義諦九地相是爲大王捨凡夫身入六住身捨七報身入八法身證一切行般若波羅蜜十八梵天阿湏輪王得三乘觀同無生境復散花供養空花法性花聖人花順花無生花法樂華金剛花緣觀中道花三十七品花而散佛上及九百億大菩薩衆其餘一切衆證道迹果散心空花心樹花六波羅蜜花妙覺花而散佛上及一切衆十千菩薩念來世衆生即證妙覺三昧圓明三昧金剛三昧世諦三昧真諦三昧第一義諦三昧此三諦三昧是一

切三昧王三昧亦得無量三昧七財三昧二十五有三昧一切行三昧復有十億菩薩登金剛頂現成正覺

仁王般若波羅蜜經囑累品第八

佛告波斯匿王我誠勑汝吾滅度後八十年八百年八千年中無佛無法無僧無信男信

用

女時此經三寶付囑諸國王四部弟子受持讀誦解義為三界衆生開空慧道修七賢行十善化一切衆生後五濁世比丘比丘尼四部弟子天龍八部一切神王國王大臣太子王子自恃高貴滅破吾法明作制法制我弟子比丘比丘尼不聽出家行道亦復不聽

師子身中虫自食師子非外道也多壞我佛法得大罪過正教衰薄民無正行以漸為惡其壽日減至于百歲人壞佛教無復孝子六親不和天神不祐疾病惡鬼日來侵害災厄首尾連禍縱橫死入地獄餓鬼畜生若出為人兵奴果報如影如響如人夜書火滅字存

用

大王下

十一

奇

三界果報亦復如是大王未來世中一切國王太子王子四部弟子橫與佛弟子書記制戒如白衣法如兵奴法若我弟子比丘比丘知識比丘共為一心親善比丘為作齊會求福如外道法都非吾法當知余時正法將滅不久大王壞亂吾道是汝第作自恃威力制我四部弟子百姓疾病無不苦難是破國因緣

說五濁罪過窮劫不盡大王法末世時有諸比丘四部弟子國王多作非法之行橫與佛法衆僧作大非法作諸罪過非法非律繫縛比丘如獄囚法當尔之時法滅不久大王我滅度後未來世中四部弟子諸小國王太子王子乃是任持護三寶者轉更滅破三寶如

未來世中諸小國王四部弟子自作此罪破國因緣身自受之非佛法僧大王未來世中流通此經七佛法器十方諸佛常所行道諸惡比丘多求名利於國王太子王子前自說破佛法因緣破國因緣其王不別信聽此語橫作法制不依佛戒是為破佛破國因緣當

余之時正法不久余時十六大國王聞佛七誠所說未來世事悲啼涕出聲動三千日月五星二十八宿失光不現時諸王等各各至心受持佛語不制四部弟子出家當如佛教余時大眾十八梵天王六欲諸天子歡言當尔之時世間空虛是無佛世余時無量大衆中百億菩薩彌勒師子月等百億舍利弗須菩提等五百億十八梵六欲諸天三界六道阿須輪王聞佛說護佛因緣護國因緣歡喜無量為佛作禮受持般若波羅蜜

仁王護國般若波羅蜜經卷下

翔